

建設志

建築

交通

實業

墾殖

財政志

田賦

雜稅

附捐

公產租

雷化縣志

第六冊

建設志

本縣僻處海隅，人多守舊，對於各種新建設事業，進行多不努力；如建設之樸陋，交通之迂緩，實業之凋敝，墾殖之糾紛，皆足為進化遲滯之表徵，人事不盡，未可歸咎於地利也。然按舊志所載，今昔亦各不同，除城池仍舊，壇廟、倉廩、坊表、久廢外，所有官署、學宮、書院、已多改建矣，橋梁已陸續增修矣，汽車、郵電、已通鄰境矣，商會、工廠、苗圃、墾局、已先後成立矣；建設事業，應有盡有，擴而充之，日臻富庶不難也。茲分建築、交通、實業、墾殖、

四目類述之：

建築

城池 本縣係土城，周圍五里十步，金置縣時始築。明成化二年、知縣陳謨重葺。正德六年，流賊突入，屠戮慘甚，知縣李紳繕修不果。至十年，知縣馬福始克成之，延袤二里三百步，高三丈，上廣六尺，下一仞有半，池稱之，堞一千二百五十，門四：東曰布德，南曰迎薰，西曰涵暉，北曰朝京。嘉靖十七年，知縣石璽重修，後漸圯。逮清乾隆十九年，知縣呂錦奉文重修，發帑銀一萬七千三百八十一兩三錢四分六釐。

五毫一絲，周圍除四門，城圈共長六百二十二丈九尺，高二丈，頂寬八尺，底寬一丈四尺，俱仍舊制，惟改迎薰門曰來薰門。三十二年、知縣童均復啓小南門，從生員范峻請也。至三十七年、署知縣程華補修。同治七年、署知縣張道南因捻匪入境，督民重修，賊雖屢至城下，而賴以固守無恙。光緒十六年、知縣聯印奉文重修，廢小南門。民國二十年、縣長莊守忠撥地方款，調民夫繕修，改東門曰崇禮，西門曰礪廉，南門曰由義、北門曰明恥。

公署

(甲)縣政府 舊名縣公署，亦稱縣治，在城中央、稍東。宋慶歷間創建。元毀於兵燹。明洪武三年重修，規制未備。成化二年、知縣陳謨創建大門三間。弘治六年、知縣姜宣拓治堂五間，左幕廳、右縣庫、各三間，又西為架閣庫二間，南為儀門三間，兩旁角門各一間，東西為吏廊各十間，儀門外，左為迎賓館，前為土地祠三間，申明亭二間，由迎賓館折而北，為預備倉，右為獄官廳一間，西囚房、南囚房、各三間，又為旌善亭三間，前為譙樓三間，樓前為牧愛坊，堂後為內宅，正廳三間，寢二重、共十間。嘉靖三十六年、秋、霖雨

、廡傾幾半，知縣石璽次第修葺，廳之東為亦可齋室，最後築臺，高丈餘，圍十之，上建危樓三楹，額曰「海天雄鎮。」萬曆十六年、知縣洪灃新廡之寢廊。四十四年、知縣張思行葺治大堂。四十六年，知縣段展增治堂廡。順治初復大水，廡宇傾圯。康熙七年、知縣孫錫蕃始新大堂。十年、知縣劉培陽又新三堂，改建鼓樓，後漸頽敝。四十六年、知縣李文麟於縣治前建障渤樓、懸鐘鼓，自大門、儀門、東西吏廊、一切修復，又於後樓舊址、修寢室，廡東北角數丈、買民地，蓋馬棚，基址始方，四面繚以重垣，規模較前宏整矣。雍

正十一年、知縣張模謂障渤樓不利學宮，遂毀。乾隆十九年，知縣呂錦重修大堂。嘉慶十二年、知縣興昌、道光十六年、知縣周仔燮、二十六年、知縣陳文英，並墊款捐修署廨。同治二年、署知縣于調元重修大堂，並照壁。六年，署知縣張道南於儀門內建官箴坊。十年、知縣汪維亮於儀門外，別建大門，重葺吏廊、以及月臺，更加護欄，規模粗備。自光緒十四年、連年霖雨，漸多傾圮。至光緒二十二年、署知縣汪麗金重建吏廊。民國二年、縣知事鞏思忠葺治署廨。十二年、縣知事劉峙重新修繕大堂。十七年、改縣公署曰縣政府。

。二十年縣長莊守忠建修大門及兩旁南屋共十一間。二十二年、縣長王耀漳建修大禮堂前東西屋共二十四間。二十三年、縣長徐中晟建修二堂前東西屋共九間。二十四年春、縣長梁建章建築大禮堂東房五間，二堂後房五間，辦公廳後房五間，並將縣府內外門窗牆壁、修補粉刷一新，統計新舊建築共房屋一百間，大禮堂三間。

(乙)縣政府所屬 縣政府第一科、第二科、及司法處、設於縣府內，其餘所屬列左：

縣政府第三科 在文廟後。係就學署及明倫堂舊有房舍改建

，計共二十三間。

縣政府第四科 在縣府東。計房舍共二十三間。又本科西偏，附設民生工廠一處，新建房舍十一間。

縣政府第五科 在文廟後。係就將陵書院北段、舊有房舍改建，共二十間。

監獄及看守所 在縣府前。計管獄員及所長辦公室共十間，監獄內男女監房、民刑事看守所、講堂、工廠、及各項房舍、共二十六間。

公安局 在縣府東。係就普濟堂舊址改建，前後兩院，計房

舍共三十三間。

舊有縣丞署、主簿署、典史署、察院行署、府館、陰陽學、醫學、城守營署、惠民局、久山鎮巡檢司、永利場鹽課司、豐民場、利國場、富國場各鹽課司。今並廢。

又南關南首，舊有校場一處，今改作飛機場，東西一百丈，南北四十丈；校場迤西，有操場一處，今改設射擊場，東西五十丈，南北五十丈。

學校

(甲)舊有之學宮書院

學宮 在縣治東南。明洪武初、知縣李子文建，成化四年、

知縣劉璟暨教諭任棧倡捐增修，宏治十四年、教諭劉總拓

明倫堂後路，正德元年、訓導汪文明鑿外泮池，嘉靖十七

年、知縣劉逸重繕殿宇，三十年、知縣董邦佐重修殿宇，

並新兩廡，萬曆三十六年、署縣、濟南府同知孫森相繼重

修殿廡泮池，四十七年、知縣段展移建名宦、鄉賢、二祠

，崇禎十五年、知縣宋一貞開內泮池。清康熙初、戟門圯

，邑人太學生吳汝禎重修，十五年、知縣劉培陽捐修櫺星

門，四十一年，知縣李文麟倡修大成殿，同時丁以法趙恆

祚等、重修名宦、鄉賢、二祠，及明倫堂，乾隆二十二年、知縣黃榮鎮教諭郭翹楚倡捐重修神像，添塑新升先賢有子朱子，並新一切扁額，二十三年、教諭郭翹楚重葺牆垣，與訓導孟尚崑栽植柳葦於重泮、南湖以備修葺，二十七年、教諭武祖武督修兩廡，三十三年、知縣童均重修西廡，三十八年、教諭武祖武訓導薛桐補葺大成殿、戟門、櫺星門，嘉慶十五年、知縣興昌，道光五年、知縣韓三泰，相繼重修，同治六年、署縣張道南、教諭楊以綸，訓導王鍾襄、倡修崇聖祠、大成殿、文昌閣、名宦、鄉賢、忠義

祠、戟門、櫺星門、以及明倫堂、內泮池，十年、三品封職增生張德傑、翰林院待詔增生趙駿聲、庠生孫懋祺、重修節孝祠。

大成殿 五間。奉祀孔子神位，中左、中右、祀復聖顏回、述聖曾參、宗聖孔伋、亞聖孟軻、是為四配。左序、右序、祀先賢閔損、冉雍、端木賜、仲由、卜商、有若、冉耕、宰予、冉求、言偃、顓孫師、朱熹、是為十二哲。東西兩廡各五間，東廡祀先賢公孫僑、林放、原憲、南宮适、商瞿、漆雕開、司馬耕、梁鱣、冉孺、伯虔、冉季、漆雕

徒父、漆雕哆、公西赤、任不齊、公良孺、公肩定、鄒單

、罕父黑、榮旂、左人郢、鄭國、原亢、廉潔、叔仲會、

公西輿如、邾巽、陳亢、琴張、步叔乘、秦非、顏噲、顏

何、縣亶、牧皮、樂正克、萬章、周郭頤、程顥、邵雍等

，先儒公羊高、伏勝、毛亨、孔安國、毛萇、杜子春、鄭

玄、諸葛亮、王通、韓愈、胡瑗、韓琦、楊時、謝良佐、

尹焞、胡安國、李侗、呂祖謙、袁燮、黃幹、輔廣、何基

、文天祥、王柏、劉因、陳灝、方孝儒、薛瑄、胡居仁、

羅欽順、呂柟、劉宗周、孫奇逢、黃宗羲、張履祥、陸隴

其、張伯行、湯斌、顏元等，西廡祀先賢蘧瑗、澹臺滅明、宓不齊、公冶長、公皙哀、高柴、樊須、商澤、巫馬施、顏辛、曹卹、公孫龍、秦商、顏高、壤駟赤、石作蜀、公夏首、后處、奚容蒧、顏祖、句井疆、秦祖、縣成、公祖句茲、燕伋、樂歆、狄黑、孔忠、公西蒧、顏之僕、施之常、申枏、左邱明、秦冉、公明儀、公都子、公孫丑、張載、程頤等，先儒穀梁赤、高堂生、董仲舒、劉德、后蒼、許慎、趙岐、范甯、陸贄、范仲淹、歐陽修、司馬光、游酢、呂大臨、羅從彥、李綱、張栻、陸九淵、陳淳、

真德秀、蔡沈、魏了翁、趙復、金履祥、陸秀夫、許衡、吳澄、許謙、曹端、陳獻章、蔡清、王守仁、呂坤、董道周、王夫之、陸世儀、顧炎武、李塨等。

崇聖祠 三間，在大成殿東，舊名啓聖祠。明嘉靖間建。清順治間，邑廩生李百浹重建，雍正間、舉人吳松年倡修，雍正元年，始改今名。

祠內神位，為肇聖木金父公、裕聖祈父公、貽聖防叔公、昌聖伯夏公、啓聖叔梁公，配位為先賢孔孟皮、顏無繇、孔鯉、曾點、孟孫激，兩廡為先儒周輔成、程昞、蔡元

定、張迪、朱松。

名宦祠 在戟門左。祀明知縣王弼教諭趙玉。

鄉賢祠 在戟門右。祀太原郡侯王伯顏、明饒陽知縣贈山西

右布政使丁忠、馬湖府照磨贈經歷盧廷相、兵部尚書丁汝

夔、山西岢嵐兵備右參政范大儒、懷柔訓導贈稽勳司主事

丁繼志，平谷縣知縣趙思睿、吏部驗封司郎中丁鳴陞、清

詹事府少詹李呈祥、歲貢范明徵。凡十人。

忠義祠 舊在文廟後東北隅，雍正五年建，乾隆十五年、知

縣何棟移於五子祠西室，三十七年、教諭武祖武訓導薛桐